

四庫全書

集部

欽定四庫全書

皇甫司勳集卷十五

明 皇甫汈 撰

五言律詩

結客過吉祥寺

落日帝城隈，摩霄梵宇開。
黃金留福地，白玉接僊臺。
共有參禪意，能無並馬來。
坐令虛室裏，會見吉祥回。

偶懷虞山之遊，因東張比部囊。

我昔廬山泛登臨暮景斜雨迷當岸柳風度隔巖花奈
此淹京邑傷哉厯歲華張騫高興在早晚待星槎

送郊薦和同年奉使山東為劉閣老營葬

新裁綠袍使遙捧紫書行北闕方同侍東山感獨征詩
書瞻孔邑旌節啟王程耆德思元老玄廬在速成

鴻臚主人索詩因綴贈篇

鳳闕芳年步鴻臚舊藉傳觀臣誰是主卜地爾為賢榻
借朱明過杯停素節旋相逢即相識傾蓋故人憐

關西壯遊贈張子

名振唐藩裔英傳漢尉流北風辭薊曉西月向關秋浩
嘯提金錯長驅控玉騮龍庭期報主麟閣佇封侯

送陸給事燦謫都勻驛

國論何年定鄉心此夕搖鴈飛天畔驛龍隱日南橋謫
宦恩非薄君夷路詎遙誰憐梁傳淚曾灑漢文朝

過張士弘登樓

冉冉過佳節蕭蕭屬暮秋媿題王粲賦空上庾公樓黃

菊杯仍把青天月欲留共君懷土夢終夜繞長洲

瑞雪識喜

臺雲書乍歇澤雪禱還來蕭蒨薰猶焰瓊瑤花已開
禮同郊外卜歌待郢中催穡事先春望嵩呼振地回

蠶室成

蠶館開周典鷹輿扈漢儀棘牆春窈窕桑沼晝漣漪
蠶獻夫人日衣明上帝時娥媯御王母玉珮降瑤池

雪中攜酒訪胡子限韻作同張山人

之死賊與妻妾之報公可以知公之為人矣天不殄其
後豈不宜哉銘曰

雲雷遘屯宇區分篤生真人鎮乾坤騎龍鞭霆下天門
前翼後衛瀚若雲誰其最雄花將軍力驅智駕敵萬人
蹂躪羣盜猶麕麀大刀長戟屬橐鞬左麾右刺流電奔
緋衣緇弁貔虎屯駐馬飲江江水渾吳越之域殺氣昏
手挽天河洗妖氛軍聲隆隆然若雷震遭者膽落兩足蹲
元戎開府大江濱腰佩兵符威令尊控制上游為國藩

偽漢恃力不圖存建旗揚帆事征鼙艤艤蔽江躡鉤援
槌牛享士士氣伸馳馬督戰寧顧身賊焰熾若烈火焚
大戰三日勢愈殷單騎赴之齒齧齧怒髮上衝氣如烟

叶

汝賊兇頑犬與豚願醢汝肉一口吞賊慙耳塞不忍

聞至死不屈酬國恩飄然乘雲叩帝閭請為厲鬼扼賊
元賊當殛死洗厥冤天子下詔褒忠勲東丘建侯賁九
原孤兒保育寵便蕃不墜宗祀天所救生為烈士死明
神神靈在天光燁燁嗟爾來觀萬子孫繼忠思孝慎勿

設弗信請考太史文

故翰林侍講學士中順大夫知制誥同修國史危

公新墓碑銘

嗚呼翰林侍講學士中順大夫知制誥同修國史危公
享年七十以洪武五年春正月二十三日卒于和州舍

山縣之寓舍其年二月十五日權厝於舍山某年月日

始還葬金溪白馬鄉高橋之原其子於

於寔反

深懼公之

功行世系不昭白于天下晝夜兢惕自為狀二萬言來

謁新墓之銘濂守官無暇久未克論謨春正月蒙恩致政東歸私念公相知特深在前朝時欲引薦入史館及今待罪禁林實與公為同僚相得甚驩於是評隲羣行而勒文于碑其文曰公諱素字大傑姓危氏危本姬姓周武王庶子某生而手中有文曰山因賜姓危氏封於新其後居光州晉永嘉中建州刺史京遷建昌之南城唐黃巢之亂全諷與其弟仔倡赤手起兵擒巢黨柳彥章于象牙潭擢撫州刺史累官金紫光祿大夫檢校大

秋日之真定謁許中丞

淒涼仍逆旅奔走亦王臣
花發寧辭縣蓬飄數問津
經春違燕子當畫憶鷄人
北闕休回首停舟易損神

七日恒山道中

天上仍今夕人間奈別何
晚雲迷晉趙秋水漲滹沱
舊事流光轉勞生岐路多
星辰看不沒耿耿向銀河

以公事至廣平訪同年寇子不遇顧司寇嘗令茲

邑

昔棲仙令地今訪故人來忽見彈琴處真同製錦才縣
花憐自把尊酒好誰開他日萊公竹相思到魏臺

冬日宿彌陀寺覽沙河令方豪題壁有感

古殿諸天近空門半月懸佛身金作粟燈火玉生蓮潘
岳當年詠王維此地禪微吟重懷往愁絕不成眠

春日奉懷諸兄弟因各成篇子浚

自忝皇畿宰邠銷故國思夢遶龍卧處書斷鴈來時涕
淚慙青鬢飛騰望白眉為傳芳草色應滿謝家池

子安

恭承東省拜悵望北辰遥香寢分宵直花天散早朝更
情春更逸詩興日應饒空有雙鳬舄無因渡玉橋

子約

相思南望盡問訊北來稀潘縣花仍發吳門燕幾飛談
經伯氏被獻壽老親聞知爾鵲原上春風自詠歸

送廣平令寇同年應召時尊翁方拜司馬先後北

上

漢庭今有召茂宰被弓旌飛鳥辭花縣鳴珂上玉京人
悲父母去余祖友生行獨憶河陽樹能含別後情

再送

嚴君司馬貴仙令覆鳧新自忝彈冠客相看結綬人庭
趨萊服曉朝接筍班春萬里天門遠何由借寇恂

十四夜吳子至自邑

忽聞吳季子繫馬縣門前記別纔經夏相逢似隔年思
親雙白髮羈宦一青氊為問中秋月誰令遲汝圓

中秋

馬上度中秋娟娟照客愁
光涵金鏡出色傍玉珂流
病骨思靈藥羈棲嘆敝裘
關山無限意悵望隴西頭

中山登塔

縹緲中山塔今登絕頂歸
澆虛凌佛界攬勝俯皇畿
梵樂雲流響天花雨迸飛
暝來風氣入灑灑逼人衣

得仲兄書兼示暮春寄故鄉兄弟之作悵然成篇
江南一回首極北重懷君
奈此雲山繫徒然花鳥紛
省

中鴉易曙天外鴈難羣寄我思歸引憂來不可聞

過楚王店謁羽祠虞姬配馬

蓋世雄圖歇千秋遺像存雲屯原此地日暮已荒村龍
戰曾無敵天亡未可論獨憐丈夫恨空傍美人魂

渡衛

問水知孫衛揚帆此渡河清秋常細雨落日更滄波言
采芙蓉佩情忘鷗鳥過江干有舟楫歸興獨如何

留侯墓

在喉音
寺道傍

古寺臨郊外殘碑倚道周赤松人已化青塚世仍留觀
迹俱成幻銘功本棄侯還疑灞陵上魂去奉冠遊

東昌寄包理官節

雪載東昌道停舟重憶君地猶齊望蹟城是魯連勲年
少能為政風流妙屬文郡齋開岱嶽終日對氤氲

縣齋席上別張山人

燕趙憐羈旅河陽媿宦游客懷俱滾滾別思各悠悠
縞帶應須贈金裝不可留行期雙劍合天際五雲流

東隱篇

吳子家於韭溪之上自西徂東遂棄其先人之廬乃卜居焉因謂東隱君云

避地新郊外移家故水濱晴窗先見曙虛館易生春叢桂青山卧扶桑碧海隣登臯一舒嘯浩曠得吾真

再贈

投隱何勞卜遊方即是棲幸開青帝谷因渡野人溪竹逕情同逸花源問不迷那堪一水曲猶遣寸心西

吳子新館讌別

竹下開親讌花前倒客觴
酒憐春夜促淚與別情長
鷗首浮江路鶯聲遶帝鄉
新詞休唱盡渾欲斷人腸

同陳給事林尚寶遊毘陵胡舍人園

並是仙舟下因成金谷遊
亭開一水曲山隱百花繁
圃春常駐晴尊雨更留
那知龍卧意猶繞鳳池頭

親友道余至京口擬登金山餞別值雨不果

雲將孤島翳雨阻一江分
竟日嵐猶濕終宵汐迸聞
遊

心飛浩渺望眼入氤氲莫恨登臨晚晴時是別君

泊維揚

地是南來域江分北望賒空餘前代宇不放昔年花物
色圖丹壁春風想翠華誰憐歌舞處日暮有啼鴉

阻舟彭城再赴高地官雲龍山宴

蘭渚淹仙棹蓮宮接梵筵江山曾用武人世合逃禪緣
是三生得遶應兩度還詠歸無待月虛寂扈彌天

哀郢太史子元

別我燕臺上思君湘水邊
那知歸卧病忽爾復經年
常建連行藥揚雄罷草玄
碧山應不遠立馬淚潸然

皇甫司勳集卷十五

欽定四庫全書

皇甫司勳集卷十六

明 皇甫汈 撰

五言律詩

西禁值雨

油雲翳百常興雨及羣方灑殿黃金濕添池白玉涼柳
邊迷晚翠花際擬新妝頓使煩囂息從霑聖澤長

秋夜

夏晦秋俄代星虛夜忽分鑒帷微露月臨檻淨披雲旅
思隨桐葉鄉心及鴈羣蟬聲雜砧響併是不堪聞

月下東子安兄奉使將歸

纖月吐簾帷清光到酒卮似分奩鏡影已卜佩刀期桂
惜飛花萼荆憐別樹枝預愁江上夜千里共相思

正陽城樓西角二鷺巢焉

並負青雲翼來耽紫閣樓攀龍窺殿北隨雉卧城西顧
影依霜潔鳴儔侯月迷振雛殊可詠聊此謝塵泥

聞熊叔仁疾

聞有悲秋客秋來屬病身還丹思海嶽行藥傍城闌休
沐違朝謁焚香了性真欲知消渴處惟是著書頻

九日同省僚歐陽清陳乙俞咨伯登慈仁寺閣值
雨作二首

寶地蟠香閣金天軼化城慈雲當牖綴定水過軒明座
演沙尼梵杯餐楚客英玄探蕪節賞併與暢高情
地擬龍山勝天開鳳野雄玉移蘭省散金泛菊尊空鴈

度憑高外猿參習靜中忽聞飛法雨真欲御歸風

九月晦日

鴈序逢秋杪鵬霄睇日斜帝階蕓罷葉客館菊猶花信
美非吾土紛迴是物華詎堪霜露變臨水悵蒹葭

送段水曹奔母喪

百年慈景秘萬里計音傳遠道風霜改輕旗涕淚懸婺
星從夜隕萱草罷春妍無復閒居賦空過題柱邊

臘月十五夜

坐惜青天月能餘此度圓
乍來梅蕊下猶滿桂叢前
江浦潮難落關山思可憐
催人三五夜舍照入新年

發京

仲甫將周命相如出漢廷
一朝看改服千里去揚舲
鳥亦思南樹鯢方起北溟
鍾山佳氣裏遙見使臣星

過東昌訪包子不遇

王事勞明府侯邦擁使車
嘉聲閭里頌芳草郡齋虛過
客慚題鳳懷人為贈魚清揚
不可見臨水意何如

清源逢子安兄

鷗首聚江濱，鴻飛得鴈羣。
萍同岐路轉，萼共異鄉分。
漢殿行看近，吳門念獨紛。
忍隨東逝水，遽散北來雲。

再過徐君墓

季子秉高誼，徐君欽所思。
吁嗟去住別，遽作死生期。
地失藏舟處，林餘帶劍枝。
非關一諾重，要自兩心知。

晚征

落日啟王程，涼颼拂使旌。
六朝嘉麗地，千里壯遊情。
鳥

影山前月江流樹裏聲重來棄繻處闕吏詎知名

感舊

玉節將新命金陵覽舊遊秦宮雲似葉漢苑月如鉤萍
跡山重陟蓬心水並流感時叢桂發攀折昔年秋

絡緯吟

卧病聞
虫聲作

漢宮秋夜靜別院錦機張斷續隨砧響淒清雜漏長隱
憂遑恤緯圖報未成章但遣迴文就邊庭遠寄將

贈徐使君

丹地開麟閣朱門接鳳城如何金谷裏別有漆園情叢
桂當窓馥長松蔭戶清解鞍輕射獵披卷學儒生

中秋日遊靈應觀值雨

紫館凌虛入玄宮泝水開池經龍濯後壇記鶴飛迴雨
即真人洞雲疑神女臺為燃芝炬引不假桂輪來

同鄉諸彦邀遊朝天宮

帝京饒麗地神府出叢霄虛牖金枝綴層壇寶樹影龍
經逢散帙鶴馭待吹簫仙跡俱成幻鄉心徒自遥

東麓亭候月

人世應難會天都豈易遊
蘭尊煩載酒竹徑共登樓
雲抱山河壯霞藏洞壑幽
最憐今夜月翻似勝中秋

春日偕程趙二子集霍宗伯園亭覽所註周頌因賦二首

第列鳳城中園開虎觀東
山光懸日近潭水映雲空
絳帳承歡洽清尊命賞同
將因二三子歸詠舞雩風
墳圃崇新構台園麗舊京
寧知典禮暇別有說詩情
竹

下披圖坐花間載筆行一聞願為解徒此謝匡衡

冬日同宜甫子新游惠山寺濕雲亭

厭世思遐托尋山得再過
葉經霜稍薄花散雨全多
定水分泉竇慈雲濕薜蘿
攜尊藉朋好捨筏坐嵒阿

金山

百折迴孤島中流起四禪
花臺承寶霧香澗瀉珠泉
黿解迎僧梵獅嘗護佛筵
寧知潮與月併可悟慈緣

焦山

長江流福地結宇聚僧家
窓拂城頭曙峰迴海上霞
棹披非世界萍轉是天涯
何日逢招隱隨緣了法華

九日扶持桂塢登高

桂嶺茱萸節蘭輶綵服遊
涼生青女月花滿翠微帽
似登龍興尊疑戲馬留晚來香近酒勝採落英浮

冬日寄唐應德因懷橫山之遊二首

山館同君別江城歲載陰
簪情期更盍屐興憶重臨
月掛松臺寂雲盤竹徑深
唯餘流水曲終夜待鳴琴

金匱要略卷十六
聞君慕陽羨歲晚竟移家有興堪乘雪忘言學卧霞臨
江擘蕙草迷洞問桃花肯向金門裏微官忝物華

贈思隱傳醫士

投隱藉醫方逃名惠嶺陽書探五色秘藥售萬金良多
病時從問高情久不忘柴車東市裏誰識有韓康

江上夜帆

江水浩無涯乘流拾月華兔來驚鵲渚鷁去泝龍沙遠
岸微分樹歸帆悉帶霞寧知避暑宴今日在星槎

奉太夫人夜汎揚子

蘿月映芳洲，蘭輿在桂舟。
萬山雲入夜，一水鏡為秋。
惜別渾忘渡，承歡強作遊。
明朝斷腸處，不與共東流。

真州送客東歸

孤舟泊江渚，萬里眺心長。
月吐山頭白，雲披水面涼。
海門潮汎汎，吳苑樹蒼蒼。
為有雙魚贈，因君達故鄉。

丁酉夏值邵伯河決，舟幾衝溺，適涂郡侯治水隄，
上爰藉神威，遂獲利涉，因賦短律，用代晤言。涂

蓋侍御左遷今官也

掛帆憐水使飛蓋阻陽侯玉祀堪沈馬金隄豈辨牛伏
靈徵上善習險渡中流自慚非謝傳安能不解愁

雨次沛上

帝昔歌風處人今聽雨來寒催豐戍早聲咽楚江迴野
鳥啼荒壘浮雲翳暮臺徒令過周客一灑廢宮哀

秋日二首

玉露零清夜金風戒早秋不堪人北去已是火西流月

皎如迎扇星低似犯舟鄉心軫茲序起坐為悠悠

關山迴素節水月湛清虛暑氣銷蘭酌涼颼襲桂裾露
疑仙掌後葉似洞庭初願得逢南鴈他鄉一寓書

獄館書情

棘館坐如焚蓬心詎可云腸非一夕逝情是百憂紛直
道難容世孤操每離羣從來汲長孺曾揖衛將軍

得黃州命有作二首

十年為漢吏一朝從楚臣感茲承嘉惠况乃及蕭晨情

同哀郢客迹似弔湘人極目衡陽鴈相將辭密親
竄跡未云遠離憂遂不堪從茲謝朝市言往涉江潭斯
地有餘慨昔賢良所諳自應齊塞北詎敢薄淮南

過虎丘訪雲上人兼懷釋秀

僧居苦空寂人世與相違自拂鉢衣去誰傳燈梵歸
花飄處盡慧草藉來稀獨有聽經鳥依然繞座飛

過半塘寺登閣

寶閣開星劫珠宮擅水鄉入林飄法雨繞陞落天香山

逕尋方近雲霄眺更長
窓前金塔影時現玉毫光

殊勝寺留別舍弟

野寺隨林建幽扉
面水開上方今夜月千里
故鄉臺酒為聞鷄散帆應逐鴈迴
佳期迷後會含意問如來

釣臺

自學堯年隱羞稱帝者師
虛聞前席待不遣後車隨
灘是垂綸處星非犯座時
祇應鷗與鷺猶此伴荒祠

途中遇周舍人因寄天保給事

時奉皇太后哀詔

含悲辭玉几將命發瑤京鳳藻銜春思龍江事遠行無
由躡仙駕猶自阻王程會向天台去傳書與步兵

滕王閣遇王道思飲餞

清章流勝跡丹閣儼宏規雲雨知何處江山見往時芳
筵難再合萍水易相思王勃君身是才華復在茲

桃花嶺

曉度桃花嶺花枝併作春源深迷去馬谷暖佇來鶯石
壁生霞早澄江濯錦新傍巖誰獨住曾是避秦人

東林寺

遠公禪誦處精舍宛然開廬嶽當窓見溪流涌杖迴玄
風真可揖幽興渺難裁尚媿浮湘去何年入社來

夜泊江州

潯陽江上夜春月映殘輝風靜微聞柝潮迴悉露磯夢
隨吳地盡魂向楚鄉飛豈但琵琶曲能沾司馬衣

承天候駕四首

東幸方過沛南巡乃至衡翠華臨楚地黃屋駐樊城雲

以朝歌白河因夜渡清寧知天子貴別有故鄉情

金輿移舊邸玉輦出離宮侍從多方朔參乘即衛公契
堂逢德水獵館報春風猶指邯鄲路分明愴帝衷

茲地承嘉惠仙班喜復從天行傳駐蹕月出候鳴鐘禮
樂河間事山川灞上容由來江漢水何處不朝宗

周王初宴鎬漢武更之回柳向帷城繞花隨帳殿開復
憐豐邑賜功悉代時來尚說恩波在何曾慰郢哀

宿黃陂縣鄉人宋司士攜酒過話

花縣停驂處，片齋送酒來。客身俱是寄，鄉思若為裁。
夜靜月當戶，秋深露泣臺。無言一官冷，猶自樂羣材。

送劉明府還浙中二首

時因母罷官

江郡勞承檄，都門報罷官。雲歸越嶠外，雨散楚臺端。
黑髮還家早，清時行路難。誰憐湘水上一夕，有波瀾。
棄置本非罪，看君翻宴如。拂衣從此去，反服遂吾初。
松識歸田徑，花攀別駕輿。故鄉佳麗地，隨意賦閒居。

孝感道中託宿觀音菴

為客倦秋暮投僧忽夜深臺雲藉草色簷月徙松陰過
去空陳跡歸來違素心此時猿與鴈併是助霜襟

九月廿五日郢中遇雪

歲閏生寒早秋深遂雪飛雲連荆樹密日遶漢江微園
或疑梁是溪將作剡非但令聞妙曲詎惜和人稀

閏月十五送客

清光將閏月併是惜流年
棠枝承處盡桂蕊映來偏
賞異西園後情同南浦前
無言一夕阻翻得兩重妍

過古城寄憶熊郡長二首

時以父喪
還豫章

空山嗟獨往古寺惜重來
花暗清宵榻藤交隔歲臺
春風難遣駐夜壑易成哀
此地王陽馭茲時可復迴

巡岳方南狩朝宗盡北流
同來預從事俱幸奉宸遊
山水依然在庭闈不可留
惟餘幾馴鳥相伴一荒丘

浮湘作

行役本非意達情聊自語
波濤眇天末風景別江南
衡岳雲為柱湘流鏡作潭
徒然表靈異世遠詎能探

雪夜訪王稚欽投贈二首

清時不善宦幽谷遂遺材
祇自焚魚卧從人結駟來
漆園寒罷灌竹遲晚猶開
更有相忘樂何言興盡迴
倦遊東觀後招隱北山前
不與公卿事翻多農圃緣
臨池宜有翰掛壁但無絃
余亦懷歸思誰能更待年

閏七夕

情是經年約歡逢閏月
催臨粧憐窈窕欲渡思徘徊
烏訝香車轉鸞驚繡閣開
今宵絳河上應不厭重來

寄贈馮子二首

時移守
叙州

無雙江夏士海內自來聞
釣倚磯頭月門連漢口雲
乞歸非薄守招隱似離羣
莫漫題鸚鵡曹家最忌君

自君歌出守相與別長安
還楚因求艾浮湘為紉蘭
交情空歲月世事但波瀾
誰惜馮唐晚猶嗟蜀道難

過東山寺訪王岳州

名柄

聞有蓬萊處因棲鸞鶴羣
坐溪看定水登閣藉慈雲
清淨生秋色明光隔世氛
從來摩詰興偏解誦靈文

秋思

羈客本多憂，江城況屬秋。
折腰緣斗粟，浪跡任孤舟。
遇竹啼湘淚，逢蘭握楚幽。
鄉心將逝水，日夜只東流。

九日聶尉邀余江遊至定光巖登高

鳳剎元侵漢，龍宮況倚臺。
慈燈乘月起，福酒薦花開。
雲氣空中現，江光定裏來。
還將吹帽興，併作泛槎迴。

由定光巖歷西竺寺登閣

江上茱萸節，山中祇樹林。
攀巖披霧密，登閣倚雲深。
歸

駕因風御當杯待月臨
自傷搖落候空有佩蘭心

皇甫司勳集卷十六

欽定四庫全書

皇甫司勳集卷十七

明 皇甫汈 撰

五言律詩

憂居張叟攜琴過訪

謝客卧山林煩君遠見尋年華驚會面雲海結交心
流水夜方靜迅商秋已深霑襟自有淚無俟更聞琴

早春野步奉荅子安

蘭皋迴淑氣蕙圃攬晴芳鮮雲謁戶牖春水生池塘新
望盈新抱流思逐流光徒忻陪玉趾終媿報瑤章

訪終南穆山人隱居

雌守出人間冥棲不可攀
喻日憑晞髮餐霞許駐顏
檢方因閉戶采秀遂登山
借問壺中秋丹砂定幾還

春霽和子安

東墅春雲歛西巖霽景賒
因風疑拂柳着雨似催花
潭皎銜微月江酣帶落霞
陶芳非仗酒何以度年華

集子約園亭看梅

幽徑此新除荒亭自可居
開窓散花竹列坐藹琴書
夕景移蒼岫春流引綠渠
梅花未忍折揮軫待游魚

春雨

金谷寒難破瑤臺雨易滋
籠花纖似霧著柳亂成絲
香氣微霑徑泉聲暗落池
定愁今夜月不遣鑒羅帷

花朝

虞廷殷仲月吳苑表芳晨
故事聊成俗風光半入春
無

言桃李色一倍柳條新但恐繁華歇何辭竹葉頻

春日往吳山

塵跡一相謝閒情從此多雲山時自往春水日堪過問
谷迷桃李尋谿遠薜蘿東林倘可借投老亦如何

遊穹窿諸山

楊柳綠初齊桃花紅滿溪風光亂山裏雲日太湖西何
藻非魚戲無林不鳥啼逢津須解問莫遣路相迷

晚泊虎山橋

獨宿山中夜還憐湖上春桃花霞似浪楊柳霧疑塵寺
秘禪棲寂橋迴襖水新明朝觴泛處是否在天津

探歷北峰諸山

春色駐深山年芳十里間松林隨意入花塢恣情攀定
水空思住迷雲不記還物華何以眷幽興自相關

雨齋偶成

幽壑生春色空庭帶雨聲閉門誰與晤獨坐自為情入
洛書難上還邛賦易成無令悲日暮猶欲俟河清

三月十五夜月

南國催春暮西園候月遊似珠沉曲浦如鏡掛層樓影
逐桃花落香蕙桂子浮芳輝併可翫詎是減清秋

病中承諸兄弟問訊奉荅二首 子浚

花月坐傷春蓬心屬病身間來看鶴舞靜裏學熊伸采
藥懷三秀逃虛魄六塵猶聞枉芳訊何以報情親

子約

藥石未相安春芳忽復闌銷魂驚別易却老覓方難曲

是宜琴弄顏非鏡懶看一承華萼詠眉宇坐來寬

病中子浚兄招賞牡丹

花徑許相攀繁芳逼座間為君扶病骨來此破愁顏適
性寧非達忘機即是閒醇醪未可謝判飲送春還

奉訊子安

聞爾巖棲處乘雲且弄霞綠勻臨檻竹紅減過墻花觀
妙從無欲全生出有涯因聲寄同病何日遇丹砂

憶遊虎山寺

自識溪橋路常懷釋道林
水流精舍曲門閉洞湖陰
日向芙蓉度春從楊柳深
未消遊後興還似欲相尋

芙蓉測日

見高僧傳

新霽

澤國偏宜雨山齋復喜晴
雲依飛蓋散日吐半規明
羅逕何嫌密花溪稍覺平
還知滄海上今夜月初生

子安自常熟歸道虞山之勝因贈

雅興尋丹壑幽探歷翠微
觀泉鑒水德攀石落巖暉
靈

梵將塵遠仙源與世違自驚南郭卧言訪北山歸

夏日遊中峰寺二首

向子懷名嶽孫生慕福庭何時將陟遠茲地廼探靈寒
落巖前瀑晴披嶂外屏非因塵是染誰識累為冥

牽世將奚適耽山聊近尋千林夏木秀一徑晚雲深
給苑時游鹿香牀或戲禽言思辭苦熱來此息慈陰

贈王使君健

之子東南美人稱廊廟姿早膺多士選遂承明主私珥

金
筆趨仙室影纓入禁墀長卿常侍從摘藻奉如絲

秋原晚眺和子安

林壑本余情歸來趣自生空山迎氣肅槭木帶雲輕坐
惜流芳歇行驚旅鴈鳴還聞歌歲暮聊以寄秋聲

吳溪夜泛

湖山西郭外一往一為情日夕看佳氣雲霞不斷生野
烟隨徑合漁火隔溪明渡口迎歸處猶能認棹聲

謝子約弟惠菊

嘉惠分秋色芳心共歲闌
纖英承露潔疎莖帶雲寒
對酒浮金易興謠報玉難
祇應芝室裏長作棣華看

子安兄入虞山因寄

問水乘源去看山入畫遊
披衣巖霧積飛蓋洞雲流
塵鞅從茲謝冥筌不外求
瑤壇有嘉樹莫作桂叢留

虞山遇陸一宜俯吳二子新同泛因登絕頂作

共愜山中想俱來水上逢
尋溪迷萬轉攀壑隱千重
雲氣流巖竹泉聲落磴松
窮探不惜暝還陟最高峰

詠廬山倒影

今夜看山色翻從一水中
溪嵐乘月吐巖翠合雲空
波淨明葭芡沙寒落鴈鴻
臨杯挹仙檜星影亂芳叢

夕讌孫氏園亭

金谷猶良夜桃源即往時
承君開別館道客向前池
歌散雲輕駐杯長月暗移
莫持無限興留作去來思

送吳進士辭縣就教三衢

媿我耽山卧憐君辭邑過
共看雙鳥舉無奈一羶何
旅

跡薊門遠離懷漳水多從來化蜀者豈是讓絃歌

冬夜對月聞敵退

木落但疎林蕭然月色深無愁蟾兔缺祇惜歲華侵霜
露流寒影關山戀故陰漢家新罷戰萬里照歸心

熊叔抑同唐應德入四明弔陳約之憮然作詩二
首

憐君提寶劍東去覓徐君可惜看花伴翻同落葉分淚
傾鄞海月心斷剡溪雲篋內收遺草傳來不可聞

已作浮湘去因為弔屈行風霜萬里客生死一交情白
馬夢中路青松涕外城逢人問勞苦何得不言名

冬日晴眺

江國開晴久風煙逐望勻寒陰漸改故陽氣欲乘新犬
馬驚余齒龍蛇任此身悠然北窓下何意得先春

早春寄台州王維楨

不見天台吏題書問赤城時為花過眼春入鳥關情雅
興看霞起離憂向水生為邦年最少莫惜宦無成

寄唐應德

南國逢新歲，東山懷故人。
棄官如脫屣，輕世學垂綸。
象外能齊物，尊中却累身。
不知芳草色，何似茂陵春。

寄王稚卿

一自楚鄉別，再逢吳苑春。
風塵愁作吏，江漢遠懷人。
驛路梅花發，祠堂柳色新。
將從漁父問，湘水隔迷津。

早春雪後看雨

雪消逢雨至，并是弄春情。
潤物知何處，隨風散滿城。
園

林無積素山壑有餘清見說花溪裏朝來新水生

雪後山行

寒雲春不散積雪曉來迷山氣涵湖影風光近鳥啼杖藜行郭外鼓棹入塘西日暮歸何事逢人媿剡溪

山行值雨

茂苑多春雨花源信水鄉端居移物候靜悟得年芳山合松雲亂湖消蕙雪長思為拙者政耕牧向河陽

十九日雨夜子約卷燈重晏

良夜應難再歡。悵詎有央一燈。憐棣萼終宴。卷蘭芳細。
雨頻吹座。輕寒半入觴。自驚時已過。何惜借餘光。

上方山樓春眺

翠竹圍香閣。金沙引覺途。春光臨檻發。塵事入門無。
雲氣常飛雨。山形半折湖。衆巖迴合處。天外接浮圖。

塘上夜泊與吳子新

停舟對親暱。把酒話平生。花鳥非春事。湖山即旅情。
寒煙下漁火。流水出鐘聲。年跡驚心裏。能亡念合并。

春雨書齋

細雨來春色，高雲起夕寒。
閉門閒有卧，牽世若無懽。
舊業依松菊，光風轉蕙蘭。
委懷聊散帙，山海得流觀。

春日從支山入天平

郭外青山路，雲深定幾重。
桃花流一澗，竹樹隱千峰。
塵世遙相隔，仙源信可逢。
春風變芳草，何惜駐遊蹤。

憩白雲泉亭

巖穴非無構，山茨亦有名。
行看松色染，坐愛石泉清。
雲

去空僧影春來覺鳥情潺湲一比鑒徒自媿塵纓

春溪晚興

別業懷東墅名山倚北岑川原澄夕霽雲水亂春陰看
竹門從閉迷花路轉尋歸心不及鳥隨意向幽林

上巳日遊楞伽寺

春風祇苑上今日禊堂開駐蓋松陰合張帷柳色來閒
雲忘宴坐定水送流杯向晚溪橋渡何言洛飲迴

過泉上人竹所尋王履吉讀書處

素業依香積芳林託化城偶來乘逸興何處不春情載
酒鶯花下談經象馬鳴王猷安可見空自竹叢生

崑山道中清明

芳辰郊外度煙火曉來微蘿磴通樵徑花洲出釣磯且
因乘月往更得詠風歸莫戀明時去空慚吏隱非

修和觀登彌羅閣

竹院開仙閣花源通郡城齋心坐來白春色眺餘清不
遇雲中駕如聞空外笙逃虛自有地何必訪蓬瀛

登城西南樓

巨麗表茲地登高懷故都湖山紛若帶樓館綴成圖
寫月猶張樂飛花未泊艫從來歌舞處愁殺夜啼烏

徐子九見訪得聞迪功遺事

昔賢今異物述德最憐君書著人持去言忘世莫聞空
庭吳苑月流寓漢江雲豈學河東婦徒能誦父文

聞蔡比部上書改南署寄憶

卧病貽同好因書報故人悠然芳草意堪老白雲身金

馬西京道瑤華江左春知君方盛飾何以厭緇塵

雨夕重悼張子同子安子約作

細雨空堂暮孤雲冉冉陰逢誰話山水茲夕痛人琴南
國梅花落西原芳草深何須聞楚奏始有淚霑襟

初夏積雨

春去思何如愁霖伴病居未經芳草歇空數落花餘檐
霧難開嶂溪流易合渠杜門誰與晤惟有樂琴書

雨過子約齋中聽琴同子安作

取適家園近來忘風雨中幽窓荆樹引別館竹林通寂
寞身俱是沉冥意頗同雅琴何以託流水正無窮

得張士弘書寄憶

坐憶襄陽守音書漢口來遙心憑夢達愁緒與緘開草
綠燕公署花飛山簡杯更聞風景日騎馬峴山回

夏日遊虎丘

投跡期方外名山羨水西坐忘因竹逕歸晚失花谿覆
殿炎雲薄移階淨日低深公莫相笑將買一丘棲

虎丘過陳可與故隱居有題壁

憶爾逃禪日冥棲託講臺寧知投跡處竟作捨身回
泉聲人長悶山房僧獨開空廊留畫壁歲久半莓苔

欲遊虎山橋值雨不果

湖山寄情處心往跡仍留風雨連茲夕蒹葭生遠秋
雲中珠樹見天外石梁浮何日逢僧語隨緣老一丘

和子安兄夜坐感秋

北戶鳴蛩集西堂落葉過自驚秋興發并入夜情多芳

草萋零露青溪急逝波此時勞憶處萬里見明河

唐子應德自震澤返棹邀余夜晤

吳門煙渚夜來泊泛湖船秋水生衣上巖雲落酒邊遠
遊多世憤小隱謝時牽莫問空山葉相逢悲長年

靈巖

棟宇開靈嶽池臺隱廢宮已看塵劫遠猶想霸圖雄野
霽呈秋色濤喧見晚風從知掛帆意遙在五湖東

入陽抱山訪朱大理

憐君謝朝寺歸守舊林丘芳樹當軒植清泉入戶流焚
車長自暇學圃最宜秋却笑題門者何須羅雀求

朱大理邀遊大石

振策凌霄上留筵拂石開峰懸疑削出崖斷似飛來雲
氣晴交雨濤聲晝引雷危梁倘可度扶醉隔溪回

贈程子

一泛梁溪棹飄飄不係心雲山家尚隔湖海歲空深叔
夜何忘鍛榮期豈廢琴淮南書總秘莫學試黃金

訪吳隱君

君家湖水上行樹晚成村雲石常垂釣軒車寡候門別
來驚白髮話久費清尊笑我為官傲何如守漆園

除服後九日花下荅子安

對酒一以適聞君歌慨慷市朝身欲隱林薄意猶長撫
已疎成慢逢人醒或狂從知頭白者何自晚為郎

錫山訪傳程二隱君

並是逃名侶林居各宴然人稱南郭隱自喜北窓眠放

棹非乘雪停車似飲泉今朝逢二仲何惜醉花前

十月十五夜月

清漢月仍滿空山歲欲闌入林無葉碍映水覺池寒遠
道心千里高樓思萬端誰能三五夜長及盛年看

正覺寺訪大林和尚

何處堪消世文公可晤言談經傳慧印作禮在祇洹蘿
月閒中磬松風定後幡詎辭雙樹下夜久駐歸軒

坐憶

坐憶唐人唱還驚歲載陰寒雲下幽徑落日荒林遣
興劉伶酒宣情叔夜琴湘江歸卧處冉冉亦何心

冬日陸宜甫黃聖長見遇

翟家杜門處歲晚益沉淪自貴無知我非關學避人偶
來共言笑宴坐狎情親幾許能相見江城復入春

酬子安迫歲將事行役書情

聞君歌赴洛而我歎遊秦一出江湖遠頻驚歲月新閒
雲歸後意芳草客中春不及猶生嬾長辭當路人

山行

市朝非隱地山水戀吾城
霜後楓林改雲邊鴈影明
五湖沿泛意三畝卜居情
豈學平原宦徒為世網嬰

過白鶴觀陳鍊師房

青谿即此路宛與世相違
桂樹叢生處桃花幾度飛
雲來石牀淨月到洞門微
但醉容成醴何須學幻歸

至後

故國一陽後幽棲三載餘
尊前鱗運改鏡裏宦情疎
榮

達隨賓戲文章媿子虛河陽惟有拙豈敢歎閒居

杜二挽詞

學道慕長生將留不死名奄隨朝露變愁見夜臺成
關令收遺草園公罷采榮猶言尸解去臨穴覺棺輕

子安新構虎丘山莊題贈

河陽新別業松徑宛然存流水才周舍青山正在門
彈琴忘物累拄杖聽禽言豈必長安道棲遲可避喧

湖上雪後

長湖延眺處掛席隱情遙洞口雲常結崖陰雪未消身
慚從宦侶跡喜混漁樵別後春蘿月山阿易寂寥

東郭山莊

為訪東臯上荒蕪素業存引湖供灌溉葺竹遶籬垣望
歲逢春及移舟到夜昏歸田倘可遂輸稅奉明恩

歲除前一日過竹堂寺

塵世徂年易空門駐日間看銘支遁座味品釋龍闕淑
氣諸天外流芳雙樹間未能除累劫回首媿春還

病中聞子約過修和觀

坐憶仙源裏春風爾獨尋桃花別後路芳草到時心迎
杖聞山犬驚帆見野禽養生如可問念我病方侵

贈金氏

賣卜吳門市餘錢作酒資身同日者隱年忽老誰知簾
下經探秘著中語入微多慚大夫後從子欲稽疑

內弟談氏園亭飲餞

昔共懽遊地今成惜別筵關河尊酒外京國日華邊拙

宦非吾願榮名祇自牽
含情對花鳥去住易經年

二月十四日金子以余將北征攜酒言別懷往賦

詩

江郭攜尊酒花天贈遠行
琴宜謝邛邑裘媿入秦京
覓寄西園賞終多南浦情
離懷何以喻絃管厲清聲

天池山泉上飲眺

勝地探難極深山到是緣
沉灰迷故劫空水寄流泉
坐石情宜竹看峰影入蓮
杯乾還更酌不醉為澄鮮

覺海寺晚登石壁絕頂

荒臺布金處殘宇在雲峰徑以檀藥入丘因窈窕逢桃花春礪酒蘿月慧門鐘歸路無愁失樵人許客從

清明日再過上方寺留別山僧

蘭若諸天外桃花二月深攜尊初就竹饋食正聞禽落景銜空水寒煙淨法林休公方怨別媿我去何心

重過天平寺尋僧不遇

空山重到處雙樹隔年芬飛錫遊方去餘香坐自焚窓

通鄰寺塔巖落別峰雲何物堪留晤清泉竟日聞

郡守王公廷招遊大雲菴同用春字

謝守屏紛務韋公訪淨因石門紆畫戟雲逕擁朱輪伐
木聽鶯罷銜花愛鹿馴從茲雙樹下掃榻待行春

同友人徐紹卿集黃淳甫棲霞館言別

偶偕東海士來款北山居霞館重分榻江門欲戒車情
勞具鷄黍坐喜弄琴書別思何由遣清風奉穆如

和徐子過祗園廢寺有感

伊昔東林近曾逢白社開
祇今茂草處猶是散花臺
鳥罷聽經至人無講德來
寧知慈苑內亦起雍門哀

皇甫司勳集卷十七

欽定四庫全書

皇甫司勳集卷十八

明 皇甫汈 撰

五言律詩

登北固晚眺

林壑卧已久江門望始遥
諸天橫落日五月度涼飈
焦樹當窓綴金雲接檻飄
離心何處達東逝有歸潮

舟中對月書情

不識別家久但看明月暉關山一以鑒驛路遠相違影
落吳雲盡涼生楚樹微天邊有烏鵲思與共南飛

張秋哭李植卿因寄伯華

零落悲良友天涯重哭君家臨穀城道門閉劍臺雲一
散登龍客誰知國士羣徒聞孔北海曾有薦衡文

初入京

子牟懷魏闕張敞戀都門竄逐一何久交游半不存雲
山到如夢桃李對無言誰識傷弓者明珠欲報恩

補官南都述懷

北闕承嘉命南邦事遠遊
舊京鄉夢路新水客程秋
得喪心同馬行藏跡似鷗
一官聊避世何處不堪留

同年燕會作

四海論交客同時獻賦羣
相逢悵疇昔留賞醉斜曛
蘭契應難合萍蹤最易分
南飛嗟弱羽何以附青雲

過祐民觀二首

仙家閒白日邀我坐青谿
花下逢調鹿林中問養鷄
秋

聲聞地籟玄覽出天倪何事勞形役年年使路迷
商山紫芝路穀縣赤松期自媿無媒客將從有道師隨
煙遊曠漾乘月弄參差未得雄飛去何如但守雌

天津訪王在叔

要地煩開府征途幾泊船
濤因枚叔至月就庾公圓
清嘯樓中發仁風海外宣
懽承樽俎上聽子細籌邊

積善寺訪唐侍御謫居

羅含厭官舍摩詰愛禪林
空水澄秋處滄洲寄興深
封

章違攬轡交契在鳴琴要識窮通理惟餘寂滅心

懷楚中舊僚張子時遷東昌尉

牢落同為郡翻飛最憶君離尊郢門雪歸馬漢城雲道
路情難極星霜歲易分心如洞庭葉秋晚只紛紛

東昌道中九日

客路登高處荒臺引望遙鴈聞淮海盡花見魯門飄市
酒無遺贈村居但採樵離魂歸未得應待楚人招

騎省

騎省慙三入鶯花過十春
心徒懷許靖鬢已似安仁香
草思公子明珠報美人
那堪秋水上猶此隔迷津

贈高郵守陳光哲

王祥佩刀日謝眺下車辰
坐見望舒改行歌沂海春
淹留倚淮樹遲暮對江蘋
宣室多祠事猶憐未召人

道中寄憶四首

陸子宜俯

良友一相失殊方誰見求
湖雲歸去夜壇月別來秋
夢

裏青山路吟邊芳草洲何由遲歡晤天外是南樓

周子以言

從宦非吾願歸心奈爾何關河秋鴈少驛路暮雲多懷
壑空騰笑棲林獨寤歌向來遊賞地芳草詎堪過

黃子淳甫

以我淹留歎思君棄置情朱絃齊俗忌白壁楚人輕澤
國楓初落江天鴈獨鳴將祛勞與客何日見黃生

衲子大林

歲晚東林樹淮南落木同齋虛玄度月江倚惠連風塵
劫看為累榮名悟是空歸期殊未得持此報休公

雨登金山

客渡臨滄渚迴橈訪碧岑暮潮風外落寒樹雨中深巖
色殊陰霽江流共古今憑高展遐眺猶得緩歸心

送故友之子陳生入京

長安羈宦地送爾遠行遊沙路雲迎馬寒關雪滿裘消
魂新別感把臂故情留萬里羸糧意無因少婦憂

初至南都訪蔡比部

東土風流地西京故事存
重聯畫省騎來醉斗城
尊歲逐滄江盡心將落葉繁
未能辭世網猶傍舊青門

歲首過清涼寺

陳時避暑處

地共乘春入臺經避暑過
離宮開梵宇曲沼出洹河
斜日啼鴉遍寒煙蔓草多
滄江西嶺外含思矚迴波

病屬徐公子攜具過訪

端居抱憂疾自媿損春心
絕客來相問勞君獨見尋
酒

有逢好事山水待知音為駐王孫駕門前芳草深

元夕熊子叔抑過集時謫常州

竄後相逢地那知在舊京
旅顏燈下改心事酒中傾
沙柳非吳苑江花是晉城
夫君懷古意一為駐行旌

吳子充留宿靈谷寺

共是攀遊地俄看去住心
分途松徑暝下榻草堂深
雨送靈花氣泉流廣樂音
一燈誰與晤知爾對支林

送陳敬輿知廣州

橫金初出守，剖竹勝爲郎。
楚水看鄉盡，炎雲度嶺長。
翠禽疑異雀，椰樹即甘棠。
南海逢廉吏，知無一物將。

送陳子知杭州

東省含香吏，南邦佩印臣。
離心冶城月，別路武林春。
碧水移蘭舸，青山擁畫輪。
岳王遺寢在，拜手薦江蘋。

送曹子出守彰德

風流漢京兆之子，見徽音，剖竹當名郡。
辭蘭出上林，淮陽資卧理。
漳水寄離心，何處堪懷古。
銅臺芳草深。

同半峰和尚訪釋雲谷

法侶逢羅什冥心契遠公持經自葱外結宇共林中石
壁初經面溪泉近始通坐來花落後何物解論空

觀音閣同比部諸君餞別家兄

躋險因慈閣憑虛託化城江山一以眺雲樹總含情鐘
外潮聲盡尊前花雨輕迴波去無限應是旅愁生

燕子磯荅蔡子木同用雲字

何處堪張組江心一為君岸迴淮望樹帆帶楚來雲浮

跡滄波逝同心芳草芬臨流無惜醉此地易離羣

登燕磯後仍過清江道院荅蔡子

別有青谿勝迴探思不窮鳥鳴殘雨歇帆落暮潮通
關路逢桃徑江花引桂叢還聞歌水調流響步虛中

武備廳詠弓餞子安

隨處是離筵戎亭征馬翩那知四方志猶黯一尊前
候吏先驅弩儒臣始佩弦緘愁對新月寒鴈落江天

子安館中言別遲蔡子不至

今夕西堂燕明朝南浦人雨滋將別淚花黯欲離神燭
下停杯久門前嘶馬頻所期殊未至含意獨誰申

送家兄赴浙三首

岐路易為情那魚骨肉行同茲戀南樹忽是餞西京碧
水通吳苑青山帶越城無因鄉國近遂使別離輕

東南山水地謝客去相安霞氣窓中岫濤聲郭外灘風
因越絕訪法向呂刑看况是多文藻誰云飾吏難

託跡似孤雲含悲一送君良時共羈宦中道獨離羣花

萼隨萍轉驪駒逐鴈分定知臨海夜詩報惠連聞

聞王維禎移官民部

傳爾天台日移官地省時拂琴停水調掃榻及花期越
嶠耽康樂吳都遲左思無言相見喜懷舊恐興悲

夏日登牛首山徐公子席上賦二首

愛客謝王孫相邀款法門林間皆幻境花裏即迷源萬
壑江流轉雙峯雲氣繁寄言河朔興茲夕在祇洹

出郭紆京覽尋山隔世緣鴈垂珠戶塔龍起石巖泉法

雨穿花外慈陰憩樹前寧知禪寂處曾是聖游年

晚造祖堂山

別島通幽徑叢林隱法堂逢僧龍樹後攜客虎溪旁帆影帶江盡鐘聲過嶺長從知探賞累一遣坐來忘

宿幽棲寺贈海天上人

投跡空山夜飯心此問禪錫飛辭嶽後杯棄渡江年花落仙巖近松深淨榻懸融師雙樹下見爾一燈傳

曉至獻花巖

斷壑牛山轉層巖鹿苑通天花僧供裏江鳥梵音中禪
坐影香氣立言悟色空晨扉初地在回戀意無窮

山中贈蔡子木

華省非常翫青山聊對君心將守空寂跡許謝塵氛竹
磴晴鳴雨松關畫偃雲倘逢名嶽去禽向得同羣

東約遊不至諸君

共有看山約重違入社時去緣俱是染來果未除思叢
桂招難及停雲望屢馳還將塵外意一笑省中期

宿祖堂寄子安兄

洛並機雲入山違求典尋散花迷棣萼聽鳥悵鴿心吳
越人天渺齊梁歲月深西堂何處夢遙夜寄東林

秋日思牛首諸山因寄海天上人

坐憶空山路青林去不遙齋關閉秋雨寒磬落江潮雅
自依龍藏憑誰問虎橋塵心報支遁何日晤言消

秋日懷王維禎

京國歲華晚江城風雨秋疎聲蕪葉度寒色帶雲流薄

宦藩生省懷人謝監樓如何潮落盡猶未下仙舟

東王職方

北闕辭榮宦南邦戀薄遊月臨騎省夜霜冷鳳臺秋
幙下時揮檄帷中數進籌平生憂國意感激一登樓

聞王維禎赴都寓居天界寺

一謝天台郡還來入帝京如何逢下榻猶自隔重城
客路聞鐘意空門駐馬情遠公應與晤靜裏話平生

九月十日同薛考功蔡比部王戶曹游東園作二

首

西京從宦侶一過五侯家門閑聊看竹林深自落花池
通淮水曲亭帶冶城斜坐得忘歸趣何因戀物華

別業青門側幽居紫禁鄰臺餘九日讌林駐四時春聽
鳥閒情適看花逸興新會宜容傲吏長作灌園人

瀨源肝二首

平生懷隱德奄忽委容儀壑記藏舟後齋經撤瑟時芻
聞徐孺奠碑見蔡邕辭贈秩兼名里哀榮并在斯

別有棲靈處應多歎逝情門猶表東海世已謝南榮飛
憶烏隨塚迴看馬戀城悲心何以託日夜壠泉鳴

洋門阡二首

孟氏推賢母梁家得令妻人疑隨去鳳誰為語鳴鷄啼
露逢蒿唱驚雷遶樹啼蒼梧雖未從還見墓田西

慈景隨朝露芳流引夕源幽冥從子貴生死是君恩鏡
惜驚臺掩衣憐翟第存清河遺寵謝今日在洋門

四首
為少

司冠郭
公題

挽顧公子二首

束髮多推望臨尸詎可言空牀素琴在遺篋舊經存奄
速曾占鵬扶搖未化鯢因公俱抱痛忍自學東門

勞生歸是息委化壽非材未果山公識翻同鯢也災螢
飛無散帙夢盡有空臺歎惜靈光賦將誰屬草來

留省早春奉懷諸兄弟三首

故園君卧處帷裏閱年芳微雨高城霽寒水春水長黃
鸝啼漢署白馬見吳鄉幾許勞相憶書來問景光

君行知歲隔已是別離深獨作留秦客淒其動越吟雲
天連海嶠雪路暗山陰日暮臨湖望誰傳芳草心

江門身自寄雲路爾方招馬齒隨愁長鵲心積望遙花
間趨左掖柳外候東朝為說淮隄上風光異洛橋

早春奉柬王駕部時聞上書乞歸未得

耽寂懷摩詰辭榮學右軍鄉心隨便泛春思藉蘭薰巴
水初消雪巫山尚掩雲漢家頻遣祀留待碧鷄文

早春雪後同諸君集孔比部寓

殘雪春城外寒雲客館中
會多新歲感交與故情同
夜色疑梁入湖流似剡通
由來北海座尊酒未言空

送蔡法曹考績北上四首

何事移官後嗟君獨未遷
才高獻最日秩滿拜真年
客路吳關外鄉心越水前
帝城能自入無藉子公先

帳飲臨南浦驪歌動北轅
如何聊執手已自黯銷魂
問樹知溫室看花認省門
向來同侍從枚朔幾人存

同作周南滯還嗟此路分
棄符闕吏識持法國人聞
天

際長江日江邊建業雲莫令明主見猶恨不如君
無言騎省少忽訝鬢初斑世事忘江上朝儀想殿間鶯
啼新歲月柳暗舊關山相府知名久中郎定不還

喜王子至自浙中追餞蔡子

聚散非常跡憂歡可具陳忽聞剡水棹來送秣陵人尺
素鄉中信鶯花客裏春從今張敏夢無夜不迷津

寄廖鳴吾學士

一自辭供奉憑誰問卜居朝園藝槿後夕浦采蘭初宋

金少口八
卷十八
王工題賦任安待報書莫將憔悴色空對楚江漁

寄馮守

解章辭劇郡初服返長林五馬一相別雙魚杳復沉晴
州芳草合幽谷白雲深祇羨機心息年年入漢陰

送鄭水部擢楚臬便道覲母

蘭省為郎久荆藩拜憲初憑將舊經術自可飾刑書問
俗從江漢寧親過里閭須知陶母意莫獻武昌魚

徐公子見訪對月有作

憐余杜門日眷爾駐車情世事杯中盡浮名物外輕女
墻淮月上客坐楚雲生為語高林鵲相依且莫驚

四美亭詩為大司成程舜敷作四首

傍舍通幽逕為園愜近尋花間餘講席墻際藹儒林後
乘參多士前賢契夙心無言應芳樹桃李自成陰

地為崇文辟齋因講德開草深知秘殿松杪見靈臺映
戶羣峰入環橋一水迴但能留問字不假酒肴來

炎夏相過地清幽絕世氛人從金馬至客向絳帷分璧

水窓中月鷄山檻外雲定多觀物趣何止坐論文

周家重雖館漢室儼陪京清曠多新苑繁華總舊城山
疑瞻岱意臺即舞雩情別有羣英樂非關勝美并

宿玄真觀

暫謝直城中因棲羽士宮秋聲上苑別芳樹小山同玄
覽何能遣幽思或未通祇餘懸解意可以息微躬

茅山道中

猶是皇畿內迢迢赤縣分勞生空害道薄命豈關文源

水渾迷路深山迴隔雲金丹如可就留此問茅君

泊丹陽

日暮丹陽郭維舟旅思違蟬隨江柳報螢帶野煙飛練
水乘秋滿吳關入望微寧知垂翼鳥猶畏弋人機

為許氏贈妾

許東谷索詩貽其細君余初未許因思二陸藻
續為彥先以贈婦小庾風流因永豐而詠內自
是貴主芳筵每歌麗曲太妃禁地猶製清平詞

細君者蘭姿絕代蕙質驚人雅耽藝文妙解音
律綠珠秀媛慣承寵於石卿紫玉名姬堪締緣
於韓重不有賦其彼美何以傳之來淑乎

窈窕一佳人鉛華世絕倫花因解語艷山入畫眉顰寶
髻隨時廣羅衣逐態新坐令幽谷裏無夜不生春

皇甫司勳集卷十八

欽定四庫全書

皇甫司勳集卷十九

明 皇甫汈 撰

五言律詩

岳東伯遊天台歸贈

平生山水興，聊作越鄉遊。
海嶠千盤路，江城九月秋。
雲中訪精舍，花裏下輕舟。
何事懷婚嫁，經年獨滯留。

歲暮園亭對菊寄子約弟

不緣歸卧久，那復歲將陰。
策足嗟行路，驚翰屢遶林。
鴈來吳地少，雪到薊門深。
獨有荒臺菊，能開池草心。

將入魯奉東諸兄

故國人初返，長林意頗同。
念離驚歲暮，從宦媿途窮。
楚水寒潮外，江城細雨中。
愁看佩刀去，遙向海沂東。

子安初製巾服履贈之

何事平原服，翻同楚客衣。
將從東洛隱，寧羨尚方歸。
雲卧輕偏適，山居懶不違。
因聲報王貢，情已昔年非。

紫霄峯莊道士房

仙館夕陽際吳宮荒草餘路迷花發後雲白鶴來初醉
客壺中酒謀生柱下書坐深寒月在歸駕欲凌虛

月下念別答子安

歲暮寥天月清輝亦未闌關山無限思尊酒暫為歡乍
缺潮聲落鷺飛鵲影寒江程雖易隔莫謂不同看

大石答子安

祖筵臨水後征馬到山時非自耽遊賞其誰奈別離雲

封泉逕杳霜染石苔滋莫道空門樹攀來不係思

許墅逢岳東伯出山相送

煙水維舟處偏傷首路神却憐乘雪興來送渡江人落
葉催年盡寒尊遣夜頻知君入山後相憶在風塵

贈茅丹徒

晉室皇畿宰風流絕見君鳴絃宓生化飾吏子游文山
色齋中入潮聲政裏聞江干漂泊羽猶得接鸞羣

淮陰至日

過江芳草地晏歲小山游莊叟身同瓠張融宅是舟空
山聞葉下寒水見冰流莫謂窮愁日他鄉祇並愁

江上曉發

霽曉臨江渡微茫寒霧多無由辨深樹祇自見滄波岸
覺帆前是山知磬裏過平生壯遊地今往奈愁何

送子安之太倉

明發辭林卧遐心眷海東荒城春雨外孤棹暮潮中歲
月重來異雲山舊眺同如逢垂釣者一為訪任公

寄王維禎地曹

並是銜新命俱來守舊京時違空往跡事在每關情
草綠長千里江清建業城寄君須自愛已矣負平生

四思詩

余山居寡悰偶思白下之遊因賦四詩

靈谷寺 與子安兄施蔡二子嘗同游

昔日同嘉侶靈山訪梵宗雨餘顏寢畫泉遶暝溪鐘迷
路隨羣鹿歸途出萬松遙知草堂月別後笑周顒

燕子磯 羣公于此餞別子安入越

祖帳都門道離筵江館時花飛知孟夏燕起計歸期良
友同飈散韶年與電馳滄波流恨處東望幾愁思

牛首山 徐公子招遊

公子招歡地牛山勝事存心期惠遠社跡感孟嘗門竹
院留宵榻花巖駐午軒臨溪一相送今日獨誰言

天界寺 半峯上人禪誦處

城南多古寺爭得道林居馬過談經後烏來施食餘人

天長示滅花月幾淪虛飛錫何時晤東山欲致書

送王良醫之武岡

白髮微官在滄江別路長看星趨翼軫問水過沅湘採
藥身千里聞猿淚幾行惟應鴻寶訣猶得事淮王

哭子安兄四首

拙宦空牽世沉憂易損年攀荆餘敝宅讓果薦靈筵物
化成千古人亡隔九淵平生佩刀在感贈獨潸然

昔侍尚書省同趨建禮門一朝隨往化何日更飛翻淚

盡堪流血情來詎返魂君苗徒毀筆那復覩平原

同枝憐四鳥析羽在茲辰埋玉開前兆探鐸驗後身
奠芻南國士留樹越鄉人無復池塘夢空餘芳草春

生年同過隙何悟早藏舟喪事門人給遺文使者求山
川俱感涕花月總關愁尚說烏衣勝傷心不忍遊

張公洞二首

茲山靈氣在復以至人傳石壁晴飛雨松門晝鎖煙萬
形疑海市一線引壺天為問蒼苔蹟青驪去幾年

羽客還丹地花丘閱世殊危梁疑漢鑿疊石類秦驅披
霧看衣濕攀巖藉策扶不知斜日在燃燭送歸途

玉泉亭

怪石隨崖豁靈泉出澗幽灌園雙甕在掛壁一瓢留氣
積金扉影涼生玉樹秋塵纓猶未謝延竚媿清流

謁周孝侯墓

地是先朝賜橋猶異代存枯枝交隴樹流水到祠門落
日瞻遺像英風想逝魂蹉跎余亦晚愁向陸生論

董太史過吳門見訪

予告賦閒居多情訪敝廬交因忘世減禮覺候門踈酒
伴芳林下琴心茗水餘還邛寧久滯明主待相如

陪讌董太史于徐少宰碧山故居

北闕高軒下東山別墅開焚魚人已謝羅雀客能來花
竹荒新逕琴尊儼舊臺從知徐董輩同是漢廷才

伯兄季弟往虎丘山莊為仲氏卜墓地

青山舊別業茲地欲藏舟罷旦荒臺在辭春暗水流開

阡異京兆託體共林丘總識溪橋路傷哉可重遊

病中答子約弟覽毘曇之作

生年何自苦棲病每經時高院聞蟬早幽窓度日遲僧
彌諳妙典法護媿玄思欲遣迷方累因君問藥師

寄答華子潛學士

自余辭漢省君亦解文園鴈信猶能達魚焚可重言風
塵江上淚花月夢中魂不及秦淮水西流向國門

人日訪過叟

獻歲逢人日攜羣訪客居葺茅依舊逕灌藥引新渠簾
下君平易帷中叔夜書春風何意早一奉坐談餘

徐公子徙宅秦淮寄贈

榛隱移新宅桑情託舊溪水聲喧戶近山色入檐低地
僻心從遠觀幽物自齊思君夢中路猶識五陵西

送子約弟訪董太史于苕溪因懷殊勝寺舊遊

越國青山外吳江芳草前夜帆看獨往春水悵悠然過
寺迷初地逢橋記昔年還聞剡屐處應得蔡邕憐

題長干主人壁

歲月幾相謝江山重此行青雲違壯志白首歎交情埋
姓非張祿投人似馬卿空令同舍賤爭席在都城

託宿報恩寺

平野新秋入長干舊寺存青蓮非世界綠竹是山門塔
火看生滅鐘聲悟靜喧迷方欲有問慙對遠公言

寄故園兄弟

旅跡原無定塵躬且未寧心將齊塞馬夢屢到原鷄世

事吳宮草年華楚水萍從來堪灑淚郭外是新亭

安隱寺

人天即此路花雨見空臺剝盡南朝建經多西土來碑
荒殘蘚合僧定野棠開了悟身如幻何須訪劫灰

寶光寺

四山棲梵處一徑杳然深歲久惟看樹臺荒半宿禽遠
江橫落日寒殿下秋陰獨坐觀冥理寧知靜者心

訪孫孝子永壽兼問養生

為訪幽棲宅因過孝里門支離如有託塞兌已無言掃
榻依松寢安橋接笋垣惟餘枯樹下日夜義烏喧

崇明寺至日答舍弟

僧臘逢長至征途感故陰茆峯帶郭近花井入溪深
世無靈氣違時減道心徒煩訪丹藥何日變黃金

長干寺除夕

客歲因僧臘人天感物華繡經迷貝葉頌酒媿椒花
敝長干里心飛故國涯隨緣聊住世豈是樂無家

雨

積雨縈情懶長雲引望迷蓋停千嶂外絲散五湖西戲
藻看魚動還林羨鳥棲朝來理輕棹將欲訪花溪

秋日偶成

無那文園病秋來獨未蘇江風驚木落簷日惜陰徂拙
宦同門限勞生學戶樞情憂何以託惟是著潛夫

送沈二遊越中

提琴謝氛俗抗策訪名山世事興亡後秋心詞賦間石

潭沿月弄天目倚雲攀別有觀濤興枚生定未還

過長兄寓所寄憶

客路嗟相失鄉雲限幾重
蘿軒虛夜月竹院換春風
淨理同因果浮生任轉蓬
題書遲玄度勞憶在支公

除夕

異鄉逢歲盡一倍旅愁增
車從來三署衣香過五陵
春晴傳法鼓夜色引慈燈
誰識朝元侶禪棲學老僧

禹量席上追憶牛首之遊

坐憶雙峯賞神驚五載還林猶青嶂外路即白雲間
客皆凋喪佳期可重攀空餘風景在感泣似牛山

早春德恩寺

福地回春早名山俯勝多水邊疑見性塵外可除魔
徑仄緣蘿入林深礙竹過從知功德遠無量是恩波

惠應寺胡秀才讀書處

支公禪誦處却有董生帷地僻聞鐘遠林荒下鳥遲
持經殘雪映閉戶白雲垂辛苦精儒行還應靜者知

酬周公瑕七夕見贈

京國俱流寓禪堂獨病棲
徒懷七裏詠猶戀六塵迷
金鎖秋聲颯銀河夜色低
不堪搖落意脉脉鳳城西

昔訪雲谷于天界茲復會于三藏寺

何顥貪佛日惠遠說經年
是果西林徙非離初地禪
一燈銷永夜萬籟淨諸天
自惜迷途晚猶思出世緣

章祠部見訪

落落題門後悠悠行路難
非君念傾蓋誰此問南冠
秋

水同禪寂浮雲任達觀驚飛雙樹下幸有一枝安

東黃生志淳

作賦渾遊洛持書似謁秦長干連大道淮水是通津月
下花愁客霜前鴈報人為君題贈婦惟有素衣塵

贈張子榮

相見但云晚知君意氣同道能窺一馬文不尚雕蟲定
水忘言外迷方獨醒中清齋聞磬後時復想高風

觀堂

秘閣何年化餘基尚可尋辨灰應悟劫投石不知心挂
衲惟枯樹聽經有舊禽那堪荒草處曾是布黃金

送王子亮卿真州訪蔣憲使

歲暮三山路江通一水津舟寒初載雪榻暗舊生塵靜
夜聞潮慣荒城落葉頻懸知蔣詡宅開徑遲幽人

余叔二人歲方再稔相繼辭代遠承函問泣賦此
篇

兩年悲骨肉奄忽委荒丘共盡臺空夜先零樹已秋山

經薤草宿人罷竹林遊獨惜平原淚多因歎逝流

余將之白下而黃子言往浙中賦別

探會重遊越千秦再入都花天散雲雨萍跡限江湖牛
渚心千里虹橋酒一壺無言馬首異同是阮生途

木末亭送談二秀才還吳

驅馬憐同役乘舟念獨歸孤亭一眺望千里思翻飛螢
火車生帳秋聲樂子機坐來雙樹下那得繫殘暉

答子約弟七夕見懷

天上歡逢夕人間重別時忽聞牛女詠并入鵲鴿詩悟
辱因超忍牽情未遣思乘杯倘有驗一水乞歸期

過顧司寇息園

華屋生年異平泉死日荒懷人嗟逝水立馬弔斜陽後
進推師表先朝寄典章猶聞江左士揮淚說長康

訪徐公子新居病起慰款追昔作

第宅逢新徙琴書儼舊存鍾山遙入戶淮水正當門隱
几枚乘發窮途阮籍樽誰憐衆賓客今日散平原

同盛二過永福寺

偶然同素侶來此訪緇流古寺鳴鐘處空山落木秋跡
隨青嶂滅心共白雲留祇隔秦淮水寧知是沃洲

贈汪子嘗從空同遊梁者也

卜宅近仙源晴沙別有村花時遊洛水雪後訪梁園買
笑黃金盡耽詩白髮繁李膺門下客歎息幾人存

虎丘經司直兄墓

昔是青山路今成白馬泉松塵餘涕後樽酒若生前過

客膽新表鄰僧守舊田祇嗟春草宿非復夢池年

同年姜禮曹攜酒見過

媿我逃禪日煩君載酒情感時驚落葉復故語班荆龍
鮓登竒饌鸞笙度梵聲醉來瞻化塔猶記舊題名

吳純叔解官初還投贈二首

張邴意何如還山喜遂初相邀具尊俎更得耦琴書花
下聊爭席林中任借車幽懷寧用問為謝楚江魚

世網已能辭雲山從所思那知投効日正及閱耕時海

近羣鷗下庭閒百草滋看君無愠色猶自恨歸遲

歸田賦百

草滋榮

哭隱君陳善二首

楓江西郭路來哭竹林人總帳空淒雨靈床但黯塵交
疎誰把臂妻老獨傷神詎是於陵後猶嗟仲子貧

嗜酒同劉伯沉江異屈平祇疑中聖去那解汨羅情蔓
草榮虛室行楸偃敝城最能明易理何苦不謀生

題不菴贈長兄

本期行附翼何事早歸驂失路能齊北棲枝已戀南三
同古來惑七異昔人堪羨此聊書座因之遂揭卷

蕉上月

鏡彩看初滿牆陰稍覺稀飄香桂子異拂翠柳條非班
女秋迎扇秦王夜卷衣音書欲有寄題處鑒清輝

聞子約有荊州之役

傳爾銜新命令余緬舊思猿清啼楚夜草綠弔湘時
入周官貢香分漢吏司江山遲文藻行擬二騷詞

詠美人花燭次韻

含羞辭柳戶承寵侍蘭床玉以經磨潤花因乍折香住
歌雲動綵戀舞月留光夏夜誰云促春心自許長

荊州六詠送子約

苞匭通周貢輜軒問楚程巉崖天外斷積水霧中明礧

道懸蘿密衙齋對竹清君行非習險心計在持平

右荆門山

雷送江流駛雲迴石勢重那知百折處別是一提封估

客魚間市鄉書鴈外峯遙心若漢水無夜不朝宗

右鎮流砥

峽勢環如月清光掛碧巖猿應啼淚易蟾似照離難江

漢明河影關山楚塞寒誰云千里共曾是兩鄉看

右明月峽

七澤疏雲夢三湘滙洞庭路隨芳草綠窓入遠峯青神

館朝蒸霧仙槎夜犯星懸知賜田者詞賦擬騷經

右雲亭澤

舊井荒城外清流定幾年名應同讓水澤許並寒泉雀

乳桐陰覆禽來機事捐使君將比德一飲輒投錢

右廉泉井

南楚風流地名賢昔寓居水花猶泛墨臺草尚留書難

字逢能識遺編校未疎委懷從灑翰公事日常餘

右洗墨池

贈陳鳴野二首

謝客杜門久因君掃榻頻
金裝遊俠後縞帶結交新
倚馬知才子籠鵝愧主人
若非驚座語何自識陳遵

吳市新逢面嵇山舊隱名思玄
題賦就觀舞學書成門
有高陽侶家多燕趙聲
更憐仲子意辭爵一何輕

題淮上周將軍園亭二首

風景駐淮東將軍別業雄
小山初卜隱大樹不言功
架上披緗帙床頭掛角弓
那知金谷夢猶遶玉關中

東陵不好武西第自堪娛香氣多成桂芳陰半是榆散
軍聊踴躍讌客每投壺莫學藍田卧雲中待亞夫

皇甫司勳集卷十九